

RE: Fwd:

Amiran Gamkrelidze <A.Gamkrelidze@ncdc.ge>

Tue 6/5/2018 8:02 PM

To: David Sergeenko <dsergeenko@moh.gov.ge>; Amiran Gamkrelidze Gmail <gamkrelidze@gmail.com>;

Cc: Zaza Bokhua <zbokhua@moh.gov.ge>; Maia Lagvilava <mlagvilava@moh.gov.ge>; Mikheil Dundua <mdundua@moh.gov.ge>; Tamar Barkalaia <tbarkalaia@moh.gov.ge>; Mariam Darakhvelidze <mdarakhvelidze@moh.gov.ge>; Sopo Belkania <sbelkania@moh.gov.ge>; Avtandil Talakvadze <atalakvadze@moh.gov.ge>; Maia Tabagari <mtabagari@moh.gov.ge>; Paata Imnadze <pimnadze@ncdc.ge>;

ბატონო დავით,

წარმოგიდგენთ შედარებით დეტალურ ინფორმაციას „იმერულ ეზოში“ სავარაუდო საკვებისმიერი მოშხამვის შესახებ, რომელიც შეიკრიბა ჩვენი

სამსახურებისა და სურსათის ეროვნული სააგენტოს მიერ დღეისთვის:

27 მაისს, გვიან საღამოდან ბოჭორიშვილის სახელობის კლინიკაში, ინფექციური პათოლოგიის ცენტრში და თბილისის ბავშვთა ინფექციურ კლინიკაში როგორც სასწრაფო დახმარების ბრიგადების მიერ, ასევე თვითმიმართვით გულისრევით, ღებინებით, ფაღარათით და ცხელებით ეტაპობრივად შევიდა 19 ადამიანი, მ.შ. 1 ბავშვი. როგორც პაციენტები აღნიშნავდნენ 27 მაისს, დაახლოებით 16 საათიდან 21 საათამდე პერიოდში სასადილოდ იმყოფებოდნენ სოფელ ნატახტართან (მცხეთის რაიონი) მდებარე რესტორანში “იმერული ეზო”.

მათივე განმარტებით საკვებად მიიღეს მრავალფეროვანი საკვები: მწვადი, ხაჭაპური, ხინკალი, ქაბაბი სხვადასხვა სასმელი და ა.შ. ინფორმაცია ადამიანთა ჯგუფური დაავადების შესახებ 28 მაისს ეცნობა სურსათის ეროვნულ სააგენტოს.

ქ. თბილისის საზღვანდაცვის ცენტრის მიერ ჩატარებული ეპიდკვლევის მიხედვით გამოვლინდა რისკის ქვეშ მყოფი 23 ადამიანი, მათგან დაავადებული 21, ორმა ჰოსპიტალიზაციაზე უარი განაცხადა, ხოლო ჰოსპიტალიზებული იყო 19.

28 მაისს შუადღისთვის მ.შ. ბოჭორიშვილის სახ. კლინიკაში ჰოსპიტალიზებული იყო 17, ინფექციური პათოლოგიის ცენტრში - 1, ბავშვთა ინფექციურში -1. როგორც პაციენტები აღნიშნავდნენ დაავადების კლინიკური გამოვლენა დაეწყოთ საკვების მიღებიდან რამდენიმე საათში. ყველა უჩიოდა შემცივნებას, მაღალ ტემპერატურას, გულისრევას, ღებინებას და დიარეას. პაციენტები წარმოადგენდნენ ქ. თბილისის მაცხოვრებლებს, რომლებიც დაახლოებით ერთდროულად იმყოფებოდნენ რესტორანში და იყვნენ 5 სხვადასხვა სუფრის (ჯგუფის) წევრები. დაზიანების მაჩვენებელმა შეადგინა 91,3%.

ეპიდკვლევის გაფართოების შედეგად 28-30 მაისის დღეებში რუსთავის, გორის და თბილისის ინფექციურ კლინიკებში გამოვლინდა რესტორანში „იმერული ეზო“ ნამყოფი სამი სხვადასხვა სუფრის წევრი თითო-თითო პაციენტი, რომელთა გამოკითხვით გამოიკვეთა, რომ მათთან ერთად რესტორანი იმყოფებოდა სხვა 33 პირი. განხორციელდა აღნიშნულ პირთა მოძიება და მათი სატელეფონო გამოკითხვა.

კერძოდ: 27 მაისს, რუსთავის ინფექციურ განყოფილებაში, გვიან საღამოს, ჰოსპიტალიზებულ იქნა 1 წლის და 9 თვის ბავშვი ღებინებით, დიარეით და ცხელებით. მშობლების განმარტებით ახლობლებთან ერთად (სულ 15 პირი, მათ შორის 6 ბავშვი) იმყოფებოდნენ მცხეთაში და 27 მაისს სადილად შევიდნენ „იმერულ ეზოში“, ბავშვს დედის განმარტებით საკვებად მიღებული აქვს სულგუნი და კარტოფილის პიურე, რომელიც ბავშვისთვის სპეციალურად მოამზადებინეს. 30 მაისს ბავშვი გადმოყვანილ იქნა თბილისის ინფექციურ საავადმყოფოში. ამ სუფრასთან მყოფი გამოკითხული 3 მოზრდილი აღნიშნავდა, რომ ქონდათ ღებინება, ფაღარათი, გულისრევა, თუმცა სამედიცინო დახმარებისთვის არ მიუმართავთ.

29 მაისს, ინფექციური პათოლოგიის ცენტრში ანალოგიური კლინიკით ჰოსპიტალიზებულ იქნა 28 წლის მამაკაცი, მცხოვრები სოფ ნატახტარში, რომელიც 28 მაისს, საღამოს 19 საათის შემდგომ 14 სხვა ახლობელთან ერთად იმყოფებოდა „იმერულ ეზოში“. ყველანი არიან სოფელ ნატახტარის მცხოვრებნი. პაციენტს იმ ცენტრის მიერ ფეკალურ სინჯში დაუდასტურდა *Salmonella spp.* მცხეთის საზღვანდაცვის ცენტრის მიერ სუფრაზე მყოფი პირების მოძიებისა და გამოკითხვით გამოიკვეთა, რომ სუფრასთან მყოფი კიდევ 8 პირი აღნიშნავდა გულისრევას, ღებინებას და მსუბუქ დიარეს. სამედიცინო დახმარებისთვის არ მიუმართავთ.

30 მაისს, გორის სამხედრო ჰოსპიტალში დიარეით, გულისრევით, ღებინებით და ცხელებით სამკურნალოდ შევიდა 65 წლის ქალი, რომელმაც განაცხადა, რომ 27 მაისს მეგობრები (სულ იყვნენ 6) იმყოფებოდნენ წილკნის მონასტერში და საჭმელად შეიარეს „იმერულ ეზოში“ დღის 15 საათისთვის. კლინიკური ნიშნები (დიარეა) გამოვლინდა 28 მაისს დილიდან, მდგომარეობა იყო საშუალოზე მძიმე. სუფრაზე ქონდათ ხინკალი, მწვადი, სალათი, ხაჭაპური, ლიმონათი. პაციენტს ნაჭამი აქვს ხინკალი. ტელეფონით გამოკითხულ იქნენ პაციენტის მეგობრები, რომელთაგან ოთხმა განაცხადა, რომ ფაღარათი დაეწყო 28 მაისს, ორ მათგანს ქონდა ცხელებაც. ექიმისთვის არ მიუმართავთ. ერთმა განაცხადა, რომ ქონდა მხოლოდ სისუსტე. მეექვსე პიროვნებას ქონდა დიარეა 30 მაისს, თუმცა თვითონ აბრალებს იმავე დღით დიდი ოდენობით ბუშმალის ჭამას.

29 მაისს, დღის მეორე ნახევარში ბავშვთა ინფექციური კლინიკის ბაქტერიოლოგიის მიერ 11 წლის ბავშვის ფეკალურ სინჯში დადასტურდა *Salmonella spp.*, ხოლო უკვე 30 მაისს განისაზღვრა გამოწვევის სეროტიპი - *Salmonella enteritidis*.


ოთხივე სტაციონარის მიერ აღებულ სხვა 12 პაციენტის ფეკალური სინჯში ასევე დადასტურდა *Salmonella spp.* ბაქტერიათა კულტურები შემდგომი შესწავლისა და იდენტიფიცირებისთვის გადმოგზავნილია დაავადებათა კონტროლის ერვნულ ცენტრის ლუგარის ლაბორატორიაში.

31 მაისიდან დღემდე, 27 მაისს რესტორანში „იმერული ეზო“ მყოფ პირებიდან კლინიკებისთვის აღარავის მიუმართავს.


პაციენტთა გამოკითხვით საექვო საკვებად გამოიკვეთა ხინკალი, რომელიც პრაქტიკულად ყველას ქონდა ნაჭამი.

ეპიდაფეთქებისას სულ სხვადასხვა სტაციონარში ჰოსპიტალიზებულია 26 პაციენტი, ხოლო გამოკითხვით ნაწლავთა მწვავე ინფექციის კლინიკური ნიშნების არსებობას უჩიოდა 17 პირი, რომელთაც სამედიცინო დახმარებისთვის არ მიუმართავთ. დაავადებულებთან ერთად „იმერულ ეზოში“ იმყოფებოდა სხვა 21 პირი, რომლებიც, მათივე განმარტებით არ დაავადებულან.


პაციენტთა რაოდენობა ჰოსპიტალიზაციის თარიღების მიხედვით



ექსპოზიციის მქონე პირთა თანაფარდობა



27 და 28 მაისს ჰოსპიტალიზებულ და გამოკითხულ პაციენტთა მიერ მიღებული საკვების თანაფარდობა



29 მაისს, სურსათის ეროვნული სააგენტოს მცხეთა-მთიანეთის რეგიონული სამმართველოს უფლებამოსილი პირების მიერ სახელმწიფო კონტროლი - არაგემური ინსპექტირება განხორციელდა ბიზნესოპერატორთან - შპს „ნატახტარი 777“ ს/კ 400195588 (რესტორანი „იმერული ეზო“).

ინსპექტირებისას შემოწმებულ იქნა სამზარეულოს ზოგადი ჰიგიენური მდგომარეობა, კერძების მომზადების პირობები, პერსონალის ჰიგიენური მდგომარეობა, მიკვლევადობის დოკუმენტაცია (მათ შორის ნედლეულთან დაკავშირებით).

ინსპექტირების შედეგად გამოვლენილ იქნა არაკრიტიკული შეუსაბამოებები ინფრასტრუქტურასა და აღჭურვილობის მდგომარეობასთან დაკავშირებით, მათ გამოსასწორებლად ბიზნესოპერატორს მიეცა გონივრული ვადა. კრიტიკული შეუსაბამოებები არ გამოვლენილა.

ბიზნესოპერატორს ასევე დაევალა ნედლეულის მიკრობიოლოგიური კვლევა, გენერალური რეცხვა-დეზინფექციის ჩატარება და ჩამონარეცხების აღება შესაბამისი ზედაპირებიდან და აღჭურვილობებიდან, სამზარეულოს მომსახურე პერსონალის ჯანმრთელობის მდგომარეობის კონტროლი (შესაბამის აკრედიტებულ ლაბორატორიაში).

სურსათის ნიმუშების (ხინკლის ფარში, ხინკალი, ქაბაბი, ყველი, მწვანილი), ჩამონარეცხების და პერსონალის ჯანმრთელობის მდგომარეობის კვლევას სურსათის ეროვნული სააგენტოს დაკვეთით ახორციელებს შპს „გ.ნათამის სახელობის სანიტარიის, ჰიგიენისა და სამედიცინო ეკოლოგიის სამეცნიერო კვლევითი ინსტიტუტი“.

ბაქტერიოლოგიური კვლევის შედეგებს გადმოგვიგზავნიან დამთავრებისთანავე.

ლუგარის ლაბორატორიაში მიმდინარეობს კლინიკებიდან გადმოგზავნილი ბაქტერიული კულტურების (სალმონელები) საბოლოო იდენტიფიცირება და გენოტიპირება (PFGE პულსირებად ველში გელ ელექტროფორეზი) გამომწვევების იდენტიფიკაციის დასადგენად.

პატივისცემით

ამირანი

From: David Sergeenko [mailto:dsergeenko@moh.gov.ge]

Sent: Tuesday, June 5, 2018 10:34 AM

To: Amiran Gamkrelidze Gmail

Cc: Zaza Bokhua; Maia Lagvilava; Mikheil Dundua; Tamar Barkalaia; Mariam Darakhvelidze; Sopo Belkania; Avtandil Talakvadze; Maia Tabagari; Amiran Gamkrelidze; Paata Imnadze

Subject: Re: Fwd:

მადლობა ბატონო ამირან

"იმერული ეზოს" შემთხვევა ძალიან საყურადღებოა - დღეების განმავლობაში ფაქტიურად რამდენი ადამიანიც შევიდა, იმდენი მოიწამლა.

მე ვფიქრობ, დამატებითი შეხვედრა უნდა მოვიწვიოთ სურსათის უვნებლობასთან ერთად. ბავშვიც მოიწამლა, რომელსაც ხინკალი არ უჭამია.

მაქ დეტალური "ქათერინგ ინსპექცია" იქნება ჩასატარებელი.

Sent from my iPhone

On Jun 4, 2018, at 22:42, Amiran Gamkrelidze <gamkrelidzea@gmail.com> wrote:

ბატონო დავით,

წარმოგიდგენთ გასული კვირის ეპიდდიაგნოსტიკას.

პატივისცემით,

ამირანი

<saministros 04.06.2018.doc>